

烏蟻族

1

蕭木桂原是半線縣卜卦山的人，自考牢公家頭路就落南來德陽鎮服務，對二十出頭到甲六十五歲退休，經歷過「德陽」換名「陽秋」鎮，也看過草猴鎮的亂局，伊攏無換單位、無換課、無升官，較臨四十冬承辦民政課的文化觀光業務。伊的退休感言是，幾十冬來，共破爛的古蹟變成矯氣的新蹟，共傳統文化變做現代政治，功勞苦勞貢獻匪類參濫做伙，有成就感也有歹勢，不而過，伊想來想去，這全是奉公守法遵守頂司交待所做的，功恰過參伊無啥底代。而且，窮實佇落尾這十冬中間，伊下足濟精神佇藝術創作，朋友四常共供體講，畫圖是正業，公務是副業，想著這，煞有淡薄仔不安。

「公所彼个獨身仔桂，做一世人公務人員，無食薰食酒，也袂交查某，人做親情也無興趣，拍算規組害了了矣。」佇大目街西片路尾的基督聖堂頭前有一櫟榕仔，不時有計程車司機恰幾個老歲仔佇遮食薰、開講、練戇話，批來批去無所不至。

「榮仙，你閣知影伊規組害了了？木桂仔斯文人，專心食頭路恰畫圖，對查某空無興趣啦，哪像你，哎呀，規身軀鵠(tshio)記記。」駛計程仔的烏鼻蔡隨就共揆(tuh)。

「畫啥碗糕？」烏鼻蔡的鼻頭的烏痣一支毛翹起來，顫咧顫咧，「聽老磚仔窯社區的厝邊講，伊畫圖用掙、用捫(hiù)、用潑的，像土符，無人看有。」

「彼是你看無爾，這馬西班牙有畢卡索，蓬來島嘛有朱豆伯仔，你攏無綴時代咧行，看無就恬恬，較袂予人笑。」全計程仔的古意賭仔插喙挺烏鼻蔡的。

鎮內的人就像按呢十喙九尻川，逐時用木桂做題相諍、講笑談，毋過伊攏無聽著，因為自退休了後就注心佇藝術矣。伊共規間透天厝的客廳恰二樓攏改做「桂仔仙」畫室，無暝無日畫圖，真少出門，連三頓也四常用手機仔點外送。誠是拍算欲做仙矣。

2

桂仔仙畫室，對客廳改造的一樓，掛作品之外干焦有細細塊的食飯桌恰一台電視，家己畫圖家己看，食飯配電視變成木桂的日常。按呢一工一工過，也較臨兩冬矣，二樓的圖室窒溼(that-that-tinn)，三樓的厝房厝角烏仔做岫滿簾簷(nî-tsinn)，大雨若來漏 tshè-tshè。棉漬被(mî-tsioh-phuē)足久無曝矣，臭痞味流炭佇空氣中，閣沓沓仔卡跼身軀，洗袂起來。木桂仔欲做仙矣，有一種聲音佇伊頭殼內轉鬚，予伊心頭袂定著，畫的圖也風格變化萬千，家己嘛想無。

春天欲來進前，木桂出來花園巡巡看看咧。這個花園無蓋大，十外坪爾

爾，毋過各種植物花草不止仔豐富。所講的各種植物多數是無請家己來的，別人喙中的雜草，伊心目中的野草。因為無分大細目，遮的野草長年佇自由發展的狀態之下，形成小花園的戰爭，這種戰爭無了時，毋過產生的結果是植物的死亡、復活、輪生，並無任何一種消滅斷種。

「大自然的奧妙，超出人的腦智。」木桂仔跼落來，觀察一橫本土的雞屎藤大戰一群外來的翠羅莉。雞屎藤氣味相接，心心相連，瞪力欲共入侵者（sng）死。翠羅莉卻是地下炭根，這片枯焦彼片暴穎。木桂仔倚懸山看馬仔相踢足久矣，兩種植物攏足勇足韌，予人欽佩，只是門邊一橫紅玫瑰，干焦戰一橫三角葉西番蓮，就變甲烏焦瘦，佇冬尾的風中略略仔起顫。

「無啥湫仔路用！」木桂土話唸佇喙內，連家己都聽袂清楚。不而過，兩冬來，對野生植物的觀察，誠自然進入伊的作品圖面，用超現實恰抽象的手路表現出來。

佇這個花園，除了小花草，較顯目的是兩橫旺啞啞的樹橫。較倚石碇仔邊的，是一橫四季開花袂結子的桂花樹，對照主人的姓名，自然會想著是刁工種的，不而過，對躡入來三十冬的木桂仔來講，這純是巧合。另外，有一橫百年老樹，算是怪胎，聽講本底生佇遠遠的路邊，幾十年來竟然用氣根落地的方式，一尺一尺行倚來小花園，靠佇壁邊變成主樹。落尾，倚路邊的部份因為道路開發了到了了，這個榕仔公的就變成老樹橫新移民矣。

周圍有一寡刺查某發甲足旺矣，木桂仔共剷掉一部份，留兩三橫。牆仔邊的白花仔菜發甲像喙鬚，對花台披落來，也共挽掉一半，瞎的原在予去生炭。煞落坐跼榕樹跤，捲榕仔葉歎霄仔（pūn-pi-á）。一群厝角鳥仔遠遠飛過來，先佇樹枝停跤小喘，才做一下飛入簾簷跤歇岫。

黃昏矣，日頭欲歇暈，萬物也綴伊歇，干焦月娘恰天星來換班。不而過，木桂仔也佇榕樹跤看著一群烏色的狗蟻，不止仔大隻，身軀烏金烏金會發光的狗蟻，對樹跤的空縫躡過去，看起來嶄然仔無閒。日頭落山矣，恁猶無欲歇暈，有夠骨力！

木桂仔無閣去插狗蟻的代誌，伊歎過三 mi 樹仔葉，猶原怙怙仔坐咧空思妄想。人講木桂做仙矣，窮實伊是較成哲學家，頭殼玲瓏翹才會感覺家己猶閣活咧。伊想甲月娘出現，天星也開始一蕊一蕊眨眨 ni。木桂仔穿一領 jampaa（ジャンパー/運動夾克），淡薄仔忝忝，就順兩橫刺查某仔中央麗落來，無佬久就暈去矣。

伊暈甲會做夢，佇夢中敢若有啥物趁過面恰跤手，也親像有人咧拏捋伊的身軀，共頂頭的垃儂（lâ-sâm）掰掉，共銚（sian）用（lūt）掉。準講足久無洗身軀，一寡「仙」也攏洗淨矣，瞎落來的，是一種奧妙特殊的氣味。這種氣味誠自然，氣味中間敢若有足特殊的鏡頭佇目睷前從來從去，閃閃爍爍。木桂一世入毋捌做過這種奇怪的夢，閣親像是做足久也毋甘精神。

天頂的月娘雄雄影著一个人佇花園倒直直，暈甲喙角翹翹，也感覺趣味，伊用光顯顯的目光炤過來，煞看著一群狗蟻佇頂頭從起從落足無閒，親像咧做

清潔工課，也敢若咧進行啥物儀式。

3

日頭曝尻川矣，木桂杳杳仔精神，坐起身掌目睷皮，煞發覺額領、額頭、跤盤、手拂（tshiú-pôo）一嘆一嘆（phok）紅閣腫，有的癢（tsiünn）有的袂，較奇怪的是散發出一種特殊的氣味，分袂出厚薄，怙怙感受，敢若是咧講話，不過毋是人的話語。

木桂上代先知覺著的是對榕樹跤、塗丸仔縫傳出來的訊息。彼是三隻狗蟻箍做伙觸角連觸角咧開會。in 講，小皇后的生日連鞭到矣，愛開始計畫慶生活動。其中編號 OG-707 的參謀意見上濟：「咱《根部》的小蟻后也已經十二歲矣，今年是大生日，當然愛認真鋪排，辦予鬧熱 tshí tshānn，大樹山烏蟻族的各部落攏愛邀請，辦桌傳料理的師傅先選予好，安排表演的也愛好好仔練習。不而過...」OG-707 前跤略略仔徙一下，共觸角擡起來閣罔落。

「愛注意，這個慶祝袂使比老母娘頂回辦的較奢颺，若無可能會有殺身之禍，甚至會連累著咱的烝根小蟻后。」

「敢按呢？」編號 PP703 的公狗蟻表示異議：「老母娘二十外歲矣，放的卵生炭規个大樹山烏蟻部落，伊的腹腸上蓋闊，應該袂計較這種小代誌啦，況且妳雖罔猶少年，將來嘛是有機會接小蟻后的位。」

「這款代誌攏是工仔蟻咧法落，毋過嘛是愛兵仔蟻的認同，我看參詳好勢才來進行。」編號 GP5144 的母狗蟻繼落講。

in 三个算是根部的重要參謀，部內大大細細的事項，足濟是透過 in 的參詳向小蟻后建言才來進行，老母娘對 OG-707 誠信任，這是部落中逐家知影的代誌。

這陣有兩隻大頭大面大牙槽的兵仔蟻巡邏過去，行路的跤步聲不止仔大，牙槽開咧合咧，威風凜凜的款勢。OG-707 略略仔顫一下，三枝觸角寬寬仔放開。in 這種直接用觸角溝通的方式，佇狗蟻族來講，進行快速而且較少有誤誕，不而過平常時仔，也是習慣用花露零（pheromones/費洛蒙）來散放氣味，傳達訊息，一个接一个，一部接一部，嘛連鞭傳遍大樹山各部落。

木桂初初淡薄仔煩惱，是毋是超現實的圖畫傷濟，幻想的情景四常會家已走出來，不而過這陣接收著的畫面聲音佇頭殼內轉捩幾若回，感覺誠有意思，寧可相信是真的。

向腰閣斟酌看榕樹跤的狗蟻空，彼群烏狗蟻敢若愈來愈無閒，走從的速度愈雄愈緊，其中幾隻特別大頭大面，身軀也比別隻大足濟，伊用手機仔翕幾張，尻川賴拌拌（puānn-puānn）咧 peh 起來。桂花頂已經烏屎滿滿是，一大陣的厝角鳥仔有的佇榕仔頂揣樹子，有的飛出去矣，拍算去討食無全款的口味。

木桂 peh 上石碣仔入來畫室，昨昏開的電視規暝無關，摸著燒燒好佳哉無 short（ショート/短路）去，面頂當咧做一塊米國動畫「蟲蟲危機」，關係狗蟻

恰草蜢仔（tsháu-meh-á）戰鬥的故事。伊坐落來看甲煞，對狗蟻直直興趣起來。

半麓島的狗蟻有幾種？榕樹跤是啥物款的狗蟻？狗蟻互相連繫交流用啥物方式？木桂除了恰意奇妙幻想，對植物的認識研究一向誠頂真，也寫過一寡本土植物的報導刊佇報紙雜誌，這擺的奇遇另外閣激出伊對蟲多的興趣，初步就對狗蟻開始。

經過網路查資料比對，總算了解榕樹跤的烏狗蟻叫做「疣胸琉璃蟻」，規身軀烏赳赳，尻脊的嘖瘤，恍恍仔看彷彿是駱駝。伊的硬殼烏甲發光，看做琉璃嘛無腫額。這種烏狗蟻特別貪甜（tinn），四常侵入果子園予果農頭殼痛，會規族群攏移徙來佇老榕跤，必然有特殊的緣故。

木桂提出畫紙，開始描畫烏狗蟻的形圖，頭殼、身軀、腹肚、跤爪，愈畫愈幼，連觸角恰跤爪仔的幼毛攏畫出來。落尾閣畫出胃腸心臟，誠是研究甲誠功夫。

4

早起十點外里長走來擲電鈴無鉗，喝甲足大聲，木桂仔畫筆稍回咧開門共看覓。

「蕭老師，你的花園規个攏雜草，有人咧反應呢。」

里長拍算知影伊這馬專門畫圖，煞開始叫老師，增差無認定是大師。

「我會處理，里長伯仔免煩惱。你看，這逐穢攏有名字，有特殊的瘡氣，而且閣會使治足濟病症，毋是雜草啦！」

「好啦好啦，蕭老師…唉，有人反應我生成愛轉達予你知影，拜託囉。」大目里長面烏赳赳兼大嚨喉空，幌頭吐氣，無相辭就離開矣。

木桂閣來榕樹跤巡狗蟻，感覺比進前較大陣，這陣當咧扛一隻蛇蛻（ka-tsuah），駛入樹頭邊一个洞空，對畫室的方向前進。伊綴狗蟻的行蹤直直鼻入去，感覺家己鼻味的功夫愈來愈厲害，若鼻空靈敏人就號做虎鼻師，伊這馬應該是狗蟻鼻矣，這種鼻有發兩枝拗角的鬚，有時顫咧顫咧，閣敢若天線。

伊鼻著畫室下底有大堆塗丸仔的味，閣有大群狗蟻的氣息，面靠偎去瞇看覓，閣親像有有山洞有壁牆，蹣足大群的狗蟻，是甦然仔鬧熱的地下城…

彼誠是有足大片的空間，而且一日一日擴大。

樹根是榕仔公的跤，小部份伸佇地面，駛落塗跤底四界旋的卻是不計其數，年久月深變成千跤樹王公的大小腿，抑是供體做柔魚爪仔。遮爾大堆的爪仔杳杳仔旋慢慢仔鑽，攏旋佇畫室地板下面。

佇柔魚爪仔的四箍輾轉聚成幾若个狗蟻部落，彼の狗蟻看起來是學名「疣胸琉璃蟻」的烏狗蟻，身軀烏甲會發光，尻脊腫一兩瘤，閣誠是像駱駝。

in 分做六个部落，「根部」兩個，「幹部」一个，「葉部」三个，每部一个蟻后，根部的其中之一是母后，蹣佇上內底面的洞空，守備也上蓋嚴密。窮實這

个大狗蟻部落原先就是母后建立的，伊是「晟生老母娘」，外號「足無閒」，因為食飽 tshu 放卵生罔，生炭能力非常驚人，規个大樹各部落百萬隻的烏狗蟻攏是伊的罔孫。

彼工 OG-707in 三个相恰研究生日慶祝活動了後，就做伙去朝見根部小蟻后。生日慶祝活動前冬對外族傳過來，逐个小部落攏重視起來，足成人的春節過年，窮實小蟻后也是愛面子，向望愈鬧熱愈好，毋過伊對母后瞻瞻（tám-tám），準講心內不服，因為勢頭無夠毋敢出聲。所致伊指示 OG-707 傳達落去，簡單就好，毋免閣去葉部調大量的甜路請人客。

烏蟻部落的畜牧業規模不止仔大，多數分佈葉部三个小部落。包飼的對象是較大的龜神¹恰細細隻仔的白龜神²。這兩種蟲多專門敕枝葉的汁，造成植物焦焉，in 的剋星不止仔濟，因為大便放蜜，煞變成狗蟻的寶貝，共當做奶牛疼命命。

不而過烏蟻部落經過幾若擺部族會議，早就形成共識，保護仔大樹各部落的龜神、白龜神生炭速度不止仔驚人，為著樹王公的安全，有時陣對伊的剋星會目睷瞞一蕊，予龜神自然消滅，抑是予遷徙去桂花恰別種野生花草彼片，in 算是有智慧的狗蟻。

5

木桂閣咧看電視矣，最近四常有螺絲國進攻隔壁蘭巧國的新聞。世界無平靜，戰爭誠是不管時，足濟民主國家跟綴米國制裁螺絲國，閣提供厲害的武器予蘭巧國，這場大戰拍算一時歹收煞，木桂想著狗蟻應該是四常有戰爭，凡勢會比人類閣較濟。

伊拍開手機仔看 youtube，想欲了解狗蟻、龜神恰花草植物中間的關係。

影片中有幾隻紅狗蟻行倚柑仔色龜神，隨个仔揣對象，用觸角尾的小槓槌敲伊的尻脊餅，隨就有蜜放出來，甜物物（tinn-but-but）芳貢貢，一位食過一位，逐隻狗蟻食甲喙笑目笑。

這時陣，有一隻紅帕帕頓烏點的珠仔龜³來矣，雄介介拍算欲共龜神一隻一隻拆食落腹，毋過紅狗蟻眼精絞緊，隨就一大陣覆倚來，齧牙粹鬚，用小槓鎚仔大力托（mau）落去，繼落用腹肚邊彼門大砲射出會咬人的蟻酸。珠仔龜本底興 tshih-tshih，看毋是勢煞走甲噴局。

木桂心內想，龜神雖罔素食，卻是嚴重為害人類的農作物。不而過，伊對狗蟻來講是善良有路用的蟲多，是 in 的奶牛，食物重要的來源，當該然愛全力保護。所致看待世間事各有角度，朋友敵人往往因為利害關係，惡霸恰溫馴分袂清楚，造成戰爭無了時。

電視看煞繼續畫圖，伊不時畫甲毋知食飯、洗身軀，拄著仔出去外口，頭

¹ 龜神：蚜蟲，aphid，又稱膩蟲或蜜蟲）是一類植食性昆蟲。

² 白龜神：介殼蟲，是一類細小的植食性昆蟲。

³ 珠仔龜：瓢蟲，圓形突起的甲蟲，是體色鮮豔的小昆蟲，常具紅、黑或黃色斑點。

毛鬚鬚 (sàm-sàm)，一重巡的目睷皮變做三四重，強欲黏著長長的月眉，毋過較反形的是伊的目眉毛漸漸倒翹，鼻頭烏烏若狗蟻。厝邊隔壁有人開始叫伊翹目眉仔，也有一寡本底稱呼伊蕭老師的人，將伊的桂仔仙想做鬼仔仙矣！

會暗木桂晝甲半暝半感覺喺焦，想欲去灶跤淋一杯茶，雄雄舖 thài-lù (タイル/瓷磚) 的塗跤底有奇怪的聲音，斟酌看，閣敢若有啥物件直直托起來。敢是濕氣重咧欲膨管？舊年隔壁的芳瓜張--ê 厝內換 thài-lù 招做伙，無答應實在毋著矣。

不而過，閣再伏落塗跤鼻看覓，用目眉毛感應看覓，好親像足濟訊息對塗底傳過來。

「大樹部落的晟生老母娘發出動員令矣！」木桂雙手掙 (mooh) 頭殼，百萬隻的烏狗蟻分幾若百隊，佇地下通道行軍，行向口面的老榕，按算欲參幹部、葉部的部隊會合。

「依照報馬仔 BB-121 進一步詳細調查，按算侵入咱部落的紅狗蟻，是來自公路邊的大牛樟，已經佇遐二十外年矣，毋知啥原因無講無咁就大遷徙。咱集合根部、幹部、葉部戰士的動員令發落去矣，這場是咱的存亡之戰。」OG-707 頭殼犁犁誠尊敬，向老母娘報告。

老母娘揸一个大肚娃，內底有溟溟的狗蟻卵，是烏蟻族萬年生炭的根本，外面的守備一重閣一重，絕對袂使予失覺察去，尤其佇這個內宮彎彎幹幹的每一個小出口，攏有安排特選的大頭狗蟻，in 臨急的時陣就愛用頭殼共洞空窒牢咧，是拍死袂使退的大頭兵。

「葉部牧場的糧食愛提早運入來根部的洞空較安全。」老母娘那食蜜糖補充營養那交待，佇講話的中間閣放一堆卵出來，外面的護理工蟻要緊走入來，共卵捧去另外一間等待，這種房間相連繼，有孵岫間、育 (io) 嬰仔間、晟罔間，攏設備甲足四序，老母娘較臨逐時生，也逐時做月內。

佇大樹的烏蟻部落，重大事件是由老母娘統一發令，其他根部、幹部、葉部的五個小蟻后攏愛聽伊的。這陣，四常牽做伙的 OG-707，PP-703，GP-5144 更加是密切相攸做伙，變成老母娘的親信佾內閣。

「你想敢有談判講和的可能？」老母娘頭殼越過來，用跤爪拏 OG-707 的面。

「報告老母娘，我看暫時莫講按呢，若是予各部的蟻后知影，恐驚…」OG-707 越頭看四箍圍仔，要緊共這個訊息拏掉。

「有啥物問題？」老母娘換用觸角對 OG-707 頭殼心損落去。

「in 會講妳驚相戰，會影響領導的威嚴…」OG-707 回話時的陣拄有一个護理工蟻入來，伊隨閣共訊息拏掉。

老母娘掠 OG-707 金金相，表示憤怒，毋過無閣講啥物。這時陣，危險的警示已經隨著花露露的氣味傳炭甲規个烏蟻部落矣。

木桂全款接受著危險的警告，煩惱甲一暝無暝，天拍陪仔光就從出來花園四界巡。伊無張持看著桂花樹咬有幾隻紅狗蟻，明顯是無全國的。遐的狗蟻觸角伸長長直搖，探子的款勢。木桂伸指頭仔欲共接死（juē-sí），指頭仔是人上尾溜的小零件，對狗蟻來講卻是雷公的大鎚。

木桂頓一下手閤勾轉來，換提手機仔共翕起來，煞落擊手腕（pih-tshiū-ńg）予狗蟻叮，講叮窮實是注毒射，這種射若用濺的就變蟻酸砲，是狗蟻部隊的化學武器，對其他的小蟲多殺傷力真強。木桂敢若取著紅狗蟻的花露露，也潑著 in 的氣味，讀著 in 的訊息矣。

人來畫室拍開手機仔查資料，斷定這種紅狗蟻號做熱帶火蟻，參紅火蟻全款歹性地勢相戰⁴，毋過無紅火蟻遐爾雄遐爾猛。

木桂讀著 in 的訊息：「咱牛樟部落予魔神仔剷去矣，閣兼拗甲一節一節搯走，誠濟狗蟻卵恰幼罔煞連枝掛葉予做一下掠去，僥倖啊。」

「這馬一大群罔佇路邊草埔仔頂，無房間閣欠糧食，若無要緊揣所在安頓落來，恐驚會滅族啦。看起來這欖開白花的大樹，邊仔有曠闊的土地恰誠濟野花野草，是誠適合重再建立部落的所在…」

「不而過經過調查，邊仔彼欖老樹公有大群烏狗蟻，拍算踹非常久矣，分誠濟部落，守備也誠嚴密，欲閃過 in 的攔閘，拍算無遐簡單。」

這幾隻探子並無連接觸角做較穩當的溝通，內容煞攏傳對這月來。木桂了解 in 的情形屬不得已，閣親像歷史記載所講，有一寡原住民受漢人移民開發的壓迫，無可奈何愈徙愈入內山斗底。這起事若會當協調溝通，也無的確愛戰甲死來昏去。

木桂正手已經有熱帶火蟻的氣味，會當參 in 溝通，不而過夾佇紅、烏狗蟻中間，煞變成一片是安全、保護，另一片是危險恰戒備的氣味，訊息親像相拍電不止仔錯亂。

伊坐落來拍開電視，猶閣是咧報導蘭巧國的戰爭，電視中有一粒飛彈射過來，pōng 一聲，電視煞開始衝煙，規个客廳茫煙散霧，木桂驚一趔，要緊共插頭拔起來。

一觸久仔煙霧散去，伊看著塗咬的 thài-lù 焔（piak）開矣，有一群烏狗蟻相繼躡出來。in 是烏蟻族的參謀團 OG-707，PP-703，GP-5144 恰報馬仔 BB-121。

in 按算佇六個小部落之外閣再揣備用的出路恰基地，對老母娘的宮室向頂面杳杳仔挖，漸漸見著光，落尾拄著桂仔仙的烏鼻頭恰倒翹的目眉毛。

四隻狗蟻同時鼻著樟仔味，閣有危險的訊息。in 做一下用尻川針對木桂的鼻頭揆落去。強烈的蟻酸射，一擺注四枝，烏鼻煞變做燒酒鼻。

⁴ 此種熱帶火蟻與紅火蟻外觀很像但體型較小，頭部身體比例明顯寬大，頭部後緣凹陷，也具攻擊性。紅火蟻小名 *invicta*，意思是「無敵的」，原產南美洲，2003 年入侵台灣，台語「好厲害的紅狗蟻」，即指此種入侵紅火蟻。

木桂要緊共兩枝上長的翹目眉伸出去，參 OG-707 的觸角搭做伙，誠清楚佢誠懇表示善意：「我是這個所在的主人，是佢的朋友毋是敵人。我也知影樟樹部落的紅狗蟻欲遷徙來遮的代誌，會使加入參謀團。」

木桂為著欲得著信任，就提一包白糖倒佇塗跤，閣啟一包牛奶餅，貢獻烏蟻族的糧食。狗蟻參謀圍一輾，觸角相接做妥當的溝通了後，感覺這應該是祖靈顯聖派來幫助咱的，就決定予木桂加入參謀團，而且拍算安排伊晉見晟生老母娘。

7

好天嘛愛粒積歹天糧，對狗蟻來講，落雨佢寒冷攏無法度去搜揣食物，何況戰爭中間。老母娘下令加強葉部龜神落蜜的速度，家己也增加逐工放卵的數量，戰爭中間的損蕩愛先有所按算。所致這攏木桂提供的食物幫贊不止仔大，對 in 來講，這個頭殼拄天的人，會使看做是狗蟻神仙的化身。

對塗底挖上頂頭的磅空，雖罔彎彎幹幹閣有支線，不而過較倚畫室地板的所在直 long-long，而且老母娘的身軀嶄然仔大，為著逃生方便，必須要加大通道。

木桂仆踎塗跤，共翹翹長長的目眉鬚（nng）入去，參老母娘直接溝通。

「戰爭無了時，咬來咬去死規坪，而且規个戰場的坑道、房間、倉庫攏拍歹了了，毋管贏抑輸，對大樹的烏蟻部落攏是一場災厄，我看講和較妥當啦。」

「烏蟻族本性並袂愛相戰，毋過嘛袂使放甲軟膏膏予別族看無現。我對參謀得著的消息，其他五个部落有四个強烈主張相戰，而且有拍贏的信心。」

老母娘 put 一聲放三粒卵，閣繼續講落去：「阮根部的小后蟻甚至唱聲，袂從戰就講和是投降主義。況且阮烏蟻族的蟻后權限並無恁想的遐大，暝日操無停的工蟻自然形成共議制，in 的結論我嘛毋敢共否決。窮實 in 帶念我是祖祖祖祖，而且食甲老 mooh-mooh 矣猶閣咧生罔報族，所以尊敬三分，予我食好穿好蹠好，重要代誌攏會先來請示。」

木桂予老母娘講甲一時窒咧，想一觸久仔才回應。

「根據我的了解，紅狗蟻的數量並無足濟，欲戰贏佢的可能性無大。不而過 in 的樟樹部落被徹底毀滅，大群出走的部族已經無別位通去矣，我臆 in 絕對戰死無退，準講三个配佢一个，佢嘛是死規坪，敢有較好？」

桂仔換一个姿勢閣繼續講：「in 數量無足濟，須要的是佢無啥用著的彼欖桂樹，這對佢的安全佢食物的生產並無影響啊，就算做淡薄功德嘛誠好…按呢啦，桂仔仙既然欲做中人，就家己先犧牲，我會使將這片地板割一半予佢，加入根部，我也允准部份的樹根伸入厝內。而且我的白糖、牛奶餅會使繼續供應，安呢敢毋是比戰甲虛累累死規坪較好？「

老母娘用觸角摺頭殼直直掌，想來想去總算應答伊：「就按呢好啦，我共這個想法的好處傳予全部烏蟻族，拍算愛三、五日的時間，予 in 形成共識，才閣

來參你講。」

木桂就傳達意見予紅蟻族的代表，拜託暫且按兵不動。

烏蟻族的效率誠是袂稞，訊息快速傳落去，一个接一个，經過一小組一小組的意見交換，竟然免三工就參詳出一个普略仔，閣回報轉來予老母娘。

經過木桂牽線，烏蟻族派出 OG-707，PP-703，GP-5144 佇桂花樹跤參紅蟻族的由 5AB-6 領隊的三个代表談判。

談判進行三輪，中間歇暍兩擺。結論是烏蟻族割桂花跤四箍圍仔的土地，包括規欖桂花予紅狗蟻，毋過紅狗蟻愛表示服從，愛有三成的狗蟻洗盡紅蟻族的氣味，濫入烏蟻族予 in 差教（tshe-kah），無算奴隸，較成使用人。這個條件傳轉去紅蟻族引起足大的爭論，致使強欲破局。落尾也是桂仔加入調解，伊佇桂花跤加坵足濟塗閣敲一寡瓦片，而且比照烏蟻族，提供白糖恰牛奶餅予紅蟻族，充足的糖食恰安穩的環境，紅蟻族的后蟻聽好加強生產，快速增加部落的數量。另外，烏蟻族也趁機會共桂仔仙爭取糖類餅類以外的肉類食品，閣較希罕的，毋知去佢探聽著有補骨的維他命，也要求提供。遮的供應對桂仔是小可代誌，毋過伊共戰爭變和平，誠是大功德。這陣烏蟻、紅蟻攏傳說講，桂仔仙是天公伯仔派來解救 in 的神仙。

8

烏蟻族是烏色琉璃蟻，原性素溫和，甲意四處遷徙，不過自從透濫著外來種，性素變化誠大，毋但部落較固定，暴躁火性的也袂少，比如根部的小后蟻的部落就較硬氣。所致這擺會當參熱帶火蟻講和，形成敢若聯邦的內外部落，誠是無簡單，桂仔仙較實值得呵咾。伊參兩片的后蟻恰重要成員也漸漸建立感情，四常交流，窮實狗蟻族的物質上的重大需求，對人類來講算是小可代誌。

就按呢畫家、狗蟻佇這個小畫室內外建立一个互愛和平的奇妙世界，春夏秋冬日出日落，榕仔結子桂樹開花攏是心適的好光景。

不過天有不測風雲，狗蟻也全款有旦夕禍福。

有一工欲暗仔，木桂去市內買畫圖原料轉來，順後壁溪堤防岸幹轉去畫室，佇西照日的光線下底，雄雄影著一大群紅帕帕的狗蟻，斟酌看，是狗蟻界的大流氓，惡確確（ok-khiak-khiak）的紅火蟻。

這陣狗蟻大軍規條線較臨兩公分闊，對西片的溪埔仔雄介介向畫室方向前進。看起來攏無捧糧食，也無揸狗蟻卵，無成咧徙岫，從遐爾緊到底是欲去佢，想欲創啥貨？

木桂掠進前去看，竟然連接三十外公尺，而且已經進入桂樹跤，佇熱帶火蟻的磅空口，有一大堆斷頭斷跤的狗蟻，也有一寡身軀好好，毋過蠅跼塗咬掣咧掣咧，看起來死傷較濟的是防守的熱帶火蟻。夭壽咧，遮的流氓是咧起痞呢，哪無講無坦攻入來？

「可惡的流氓！」桂仔仙翹翹的目眉鬚開始振動，伊共揸包園路邊，跼落來想欲參 in 溝通，毋過接受著的訊息攏是殺殺殺的聲音，戰鼓佇頭殼內碰碰

叫，根本無參詳的可能。

窮實熱帶火蟻恰紅火蟻是全祖先的，in 的色級接近、體型差無佻濟，攏火狂仔性，戰起來應是五分平土，歹分輸贏。不而過，看來敢若毋是按呢…

佇桂花跤看著的，流氓兵蟻誠大隻，熱帶火兵蟻閣較粗，尤其有非常大的牙槽。這陣有兩隻互相用牙槽咬牢咧，閣像相僵（ián）的姿勢，斟酌看雙方的牙槽，流氓的利劍劍，熱帶火蟻的有夠鈍，大罔大好看頭爾爾。而且，熱帶火蟻的動作也加誠慢，免講兵蟻對兵蟻，干但幾隻小型的工蟻覆倚來，腹肚擰四十五度，用毒射注落去，連鞭就 kanjoo⁵（かんじょう）矣。

雙方愈戰愈激烈，熱帶火蟻雖罔死傷非常濟，卻是有拍死無退的勇氣，隨後閣一大群對空內溢出來，也有一大排對樹仔頂衝落來，毋但兵蟻，誠濟工蟻也出動矣。無佻久，兩片規簇大亂鬥，戰甲變規毬仔沙塗頂絞滾。

遠遠閣有兩排流氓部隊衝過來矣，看起來毋但是西片，北片草埔仔也有仝族的來支援。熱帶火蟻這聲慘矣，in 看勢面無好，要緊覘入洞內空防守，袂赴入來的，攏予流氓絞領頸、斷腰、剪跤，身屍散甲規塗跤。

流氓蟻繼落開始挖塗，突破 in 的巢窟，大軍驀入去矣。

「好厲害的紅狗蟻！」木桂想著這句俗語，事實真正是按呢。伊擰頭看榕樹彼片的烏狗蟻，卻是按兵不動，敢若倚懸山看馬仔相踢。

一觸久仔，一隻大腹肚的蟻后予流氓兵扛出來，頭殼已經斷裂，卵也落出來，拍算欲扛轉去做點心。

「危險！要緊解救另外兩隻蟻后。」木桂看毋是勢，那唸那衝入畫室去，擰出細枝鐵耙仔，對洞空掘入去。

洞空拍開的時陣，一大群熱帶工蟻從出來，个个牙槽含著幼罔、蟻卵逃走，看著流氓蟻緊閃開，到底欲逃去佗位，一時嘛想無。

木桂搜揣著兩隻虛累累、軟苕苕（nńg-siō-siō）的蟻后，共捧入去厝內，越倒出來，北片閣一群流氓紅火蟻來矣，桂花跤的熱帶紅蟻已經滅國矣，這陣四路軍會齊，目標換相準榕樹彼片的烏蟻族矣。

根部的部落臨急共通畫室下面的入口空起來矣，幹部的烏蟻也要緊 peh 出去參葉部會合，倚懸山看馬仔相踢的琉璃蟻想袂到會換 in 落難。in 無適合近身戰，因為牙槽無流氓紅火蟻利，而且伊無射針，蟻酸是用濺（tsuānn）的，較成砲兵。

不而過，流氓兵真正夭壽猛，予酸砲濺幾落門竟然猶會相戰，閣繼續逐落去。一寡烏狗蟻予咬斷後跤，剪斷腰，輾甲規塗跤，另外一寡走無路要緊放予落落來，閣親像咧跳樓。另外有一路紅火蟻已經咬幼石，開始挖通往畫室下面的根部磅空矣。

桂仔仙已經掠狂，鐵耙仔擰咧從對紅火蟻部隊的一个源頭，看著一公尺懸的狗蟻岫大力掘落去，一大群紅狗蟻親像水泉大港噴出來，其中有兩隻歇上伊身軀，隨著用射針大力注落去，而且相連繼注三下。俺娘喂，木桂大叫一聲，

⁵ Kanjoo，かんじょう，結帳，在此指玩完了。

煞聽著火紅蟻的訊息：「這是敵人飼的魔獸，愛先解決掉。」

另外閣有兩隻去歇佇木桂的額頭，隨著一隻一片，共伊彼兩支翹翹的觸角絞掉矣。桂仔仙瞬間失去參狗蟻通訊的能力，起齋狂共鐵耙仔捫擲揀（hinn-tàn-sak），從對溪邊去。

全時間，佇出口封起來的根部開始進行一場奪權鬥爭。根部的小后蟻一直認為老母娘傷軟弱，趁混亂中指揮 OG-707，PP-703，GP-5144 發動政變，鉸斷創生老母娘的觸角、額頸、腰骨、跂骨，扛出去擗一輦，閣共身屍分子逐家食。

紅火蟻大規模的移徙，數量嶄然仔驚人，蹣佇桂仔仙附近的住民發現著，要緊通報大目里長，閣轉報鎮公所。無佢久，滅蟻大隊帶大枝噴霧器佢強烈必殺狗蟻藥來矣，工作人員沿狗蟻岫直直噴來到大榕樹、桂花，閣拍開門窗，共畫室四箍輾轉全部噴甲足功夫。佇畫室塗跂，木桂救轉來彼兩隻熱帶后蟻，本底已經半小死，予噴一下馬上斷氣。閣有，拄才登基做老母娘的根部小蟻后，順磅空拄屙出來，正正予一港必殺狗蟻藥濺落去，一聲死殮殮（sí-gi ān-gi ān）。

滅蟻的隊員工作結束了小可歇喘，擗頭看著四箍輾轉的壁面，驚一逃做一下啊一聲。規个畫室的壁面擗一輦，有一幅十外公尺長的大壁畫，頂頭畫的是狗蟻族的大戰爭，場景的激烈佢壯觀，誠是會使比並大畫家畢卡索彼幅歷史戰爭圖《格爾尼卡》。

9

這誠是一場驚天動地的戰爭，上落尾因為強烈化學武器暫且平靜落來。不過幾若族聯盟、對立、交戰種種複雜的過程，干焦狗蟻佢木桂仔知影。這陣木桂仔離開矣，烏蟻族也接近全滅，規間厝佢花園看起來誠淒微。

大目里長有一个查某囡金蟬，是藝術學院學生，聽著厝內有大幅壁畫不止仔好奇，一禮拜後招兩個同學來觀賞。您看著花園野草溚溚，榕仔公佢桂花頂閣有大葩的雞屎藤互相交纏，感覺氣氛誠詭奇。

雖然過一禮拜矣，強烈必殺狗蟻藥的氣味猶足重，三个人攏掛喙掩入去。一擗頭就看著十外公尺的大壁畫，狗蟻的大戰爭，佇洞空佇地面佇樹頂，分幾若篷相殺，咬甲斷頭斷跂，戰佢結規毬，拼甲天昏地暗日月無光，誠是產生足大的震撼，這種圖佇美術史內底毋捌看過。木桂仙是啥物款的人物，圖畫內容構想是按佢來的，您足想欲了解。

您翕壁畫全景，閣分一截一截翕起來做紀錄，有一寡聽著耳風的人也相繼走來參觀。金蟬拜託阿爸去探聽，知影木桂仙已經轉去八卦山附近的舊厝，經過報告老師，已經招集一群同學約好時間欲去拜訪矣。